

হিমের রাতে ওই গগনের
 দীপগুলিরে
 হেমন্তিকা করল গোপন
 আঁচল ঘিরে ॥
 ঘরে ঘরে ডাক পাঠালো —
 'দীপালিকায় জ্বালাও আলো,
 জ্বালাও আলো, আপন আলো,
 সাজাও আলোয় ধরিত্বীরে ।'
 শূন্য এখন ফুলের বাগান,
 দোয়েল কোকিল গাহে না গান,
 কাশ ঝরে যায় নদীর তীরে ।
 যাক অবসাদ বিষাদ কালো,
 দীপালিকায় জ্বালাও আলো —
 জ্বালাও আলো, আপন আলো,
 শুনাও আলোর জয়বাণীরে ॥
 দেবতারা আজ আছে চেয়ে —
 জাগো ধরার ছেলে মেয়ে,
 আলোয় জাগাও যামিনীরে ।
 এল আঁধার দিন ফুরালো,
 দীপালিকায় জ্বালাও আলো,
 জ্বালাও আলো, আপন আলো,
 জয় করো এই তামসীরে ॥

Parjaay: Prakriti / Hemanta, Taal: Dadra, Raag: Behag
 Visit www.geetabitan.com for notation and other detail